



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ადამია გიორგი პორფილეს ძე

ადამია გიორგი პორფილეს ძე [3 (16). XI. 1904, სოფ. მათხოჯი, ახლანდ. ხონის მუნიციპალიტეტი, -7. XII. 1986, თბილისი], თერაპევტი. მედ. მეცნ. დოქტორი (1957), პროფესორი (1958), საქართვე. მეცნ. დამს. მოღვაწე (1970).

1930 დაამთავრა თსუ-ის სამკურნ. ფაკ-ტი. 1934-41 მუშაობდა უნერისა და ჯავის სანატორიუმების მთავარ ექიმად. მივლინებული იყო დას. საქართველოში პელაგრის გავრცელებასთან დაკავშირებით, სადაც დაამუშავა და შემდგომში გამოაქვეყნა (1946) ამ დაავადების კლინიკისა და თერაპიის საკითხები. 1958-61 იყო ექიმთა დახელოვნების თბილ. ინ-ტის გადაუდებელი თერაპიის კათედრის პროფესორი, 1961-78 - გამგე. იკვლევდა საჭმლის მომნელებელ ორგანოთა დაავადებებს.

თხზ.: ნაღვლის ქიმიზმის ცვალებადობა ქრონიკული ანგიოქოლევცისტოპათიების დროს, თბ., 1941; ღვიძლის ძირითადი ფუნქციების, ნაღვლის ბუშტისა და სანაღვლე გზების ცვლილებები აქტიური მალარიით დაავადებულებში, თბ., 1957; შინაგან დაავადებათა გადაუდებელი დიაგნოსტიკა და თერაპია, თბ., 1985.
